



Broj: 02-11-755/23
Cazin, 30.06.2023.godine

Na osnovu člana 70. Zakona o javnim nabavkama BiH ("Sl. glasnik BiH", broj: 39/14 i 59/22) i preporuci Komisije za javne nabavke broj: 02-11-755/23 od 30.06.2023.godine Služba za finansije, računovodstvo i trezor donosi

ODLUKU o odabiru najpovoljnije ponude

Najpovoljnija ponuda po provedenom otvorenom postupku za dostavljanje ponuda – "Nabavka radova ugradnje stolarije na zgradi MZ Krivaja" je ponuda

„YAVUZ COMPANY“ d.o.o. SREBRENİK 9.980,00 KM bez PDV-a

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezano za predmetnu nabavku shodno uvjetima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Obrazloženje

Ugovorni organ je proveo otvoreni postupak na osnovu člana 14. Zakona o javnim nabavkama BiH („Sl. glasnik BiH“ broj: 39/14 i 59/22), objavio obavještenje na portalu javnih nabavki broj: 697-1-3-48-3-31/23, te sažetak obavještenja u Sl. glasniku BiH, broj: 41/23.

Ugovorni organ je sukladno članu 88. Zakona o javnim nabavkama BiH („Sl.glasnik BiH“ broj: 39/14 i 59/22), dostavio poziv za preuzimanje tenderske dokumentacije sa portala javnih nabavki, a tendersku dokumentaciju sa portala javnih nabavki preuzelo je ukupno 13 (trinaest) ponuđača - Izvještaj o preuzimanju tenderske dokumentacije od strane ponuđača.

Do roka za dostavu ponuda pristigle su ponude 2 (dva) ponuđača, i to:

1. „YAVUZ COMPANY“ d.o.o. SREBRENİK,
2. "HDI" d.o.o. SARAJEVO.

U skladu sa članom 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14) Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20% niža od cijene drugorangirane prihvatljive ponude.

U skladu sa gore navedenim, nijedna ponuda ne podliježe gore navedenom uvjetu.

Nakon izvršenog pregleda i analize pristiglih ponuda utvrđeno je od strane Komisije da su naprijed navedeni ponuđači dostavili svu dokumentaciju traženu u ovom postupku javne nabavke.

U skladu sa kriterijima iz tenderske dokumentacije Ugovorni organ, putem Službe za finansije, računovodstvo i trezor Grada Cazina je zakazao e-aukciju dana 21.06.2023.godine.

Na osnovu prihvatljivih ponuda pristiglih u ovom postupku javne nabavke, stanje prije zakazivanja e-aukcije je slijedeće

Naziv i sjedište ponuđača		Ponuđena cijena (bez PDV-a)
	„YAVUZ COMPANY“ d.o.o. SREBRENİK	10.000,00
	“HDI” d.o.o. SARAJEVO	10.000,00

Rangiranje prihvatljivih ponuda prema kriterijumu najniža cijena nakon završetka e-aukcije, dana 26.06.2023.godine u skladu sa izvještajem o toku i završetku e-aukcije je sljedeće

Naziv i sjedište ponuđača		Ponuđena cijena (bez PDV-a)
	„YAVUZ COMPANY“ d.o.o. SREBRENİK	9.980,00
	“HDI” d.o.o. SARAJEVO	9.990,00

Analizom ponude, primjenom kriterija „najniža cijena tehnički zadovoljavajuće ponude“ Komisija je Zapisnikom broj: 02–11–755/23 od 30.06.2023.godine donijela prijedlog Odluke (30.06.2023.godine) shodno kojoj je:

Ponuda ponuđača „YAVUZ COMPANY“ d.o.o. SREBRENİK sa ukupnom cijenom od 9.980,00 KM bez PDV-a, je u okviru procijenjene vrijednosti javne nabavke (10.000,00 KM bez PDV-a), tj. u ekonomskom i tehničkom smislu u potpunosti zadovoljava zahtjeve ugovornog organa, te je shodno tome data preporuka da se donese odluka o dodjeli ugovora navedenom ponuđaču.

Odluka o izboru najpovoljnijeg ponuđača ugovorni organ objavljuje na svojoj internetskoj stranici i to istovremeno sa upućivanjem odluka ponuđačima koji su učestvovali u postupku javne nabavke.

Cijeneći navedeno odlučeno je kao u dispozitivu.

Pouka o pravnom lijeku:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu u roku od 10 (deset) dana u skladu sa članom 99. i 101. Zakona o javnim nabavkama BiH (“Sl.glasnik BiH”, broj: 39/14 i 59/22).

Žalba se predaje organu koji je donio ovo rješenje usmeno na zapisnik, pismeno ili putem pošte sa taksom od 10,00 KM, u skladu sa Odlukom o administrativnim taksama i tarifi općinskih administrativnih taksa („Sl. novine općine Cazin“, broj: 4/11).

Obrađivač

Stručni savjetnik za pravne poslove i javne nabavke
Halkić Azra, dipl.pravnik

Šef Odsjeka za budžet

Salkić Jasmin, dipl.pravnik

Dostavljeno:

1. Svim ponuđačima,
2. Gradonačelniku (na znanje),
3. Služba za stručne poslove Gradskog vijeća,
4. Evidenciji,
5. a/a.

POMOĆNIK GRADONAČELNIKA

mr. Đuzelić Ismet